

G E N E S I S.

'S iad sin mic Iacoib, a rugadh dha am Padan-aram.

27 Agus thàinig Iacob chum Ifaïc athar do Mhamre, gu baile Arbah, eadhon Hebron, far an robh Abraham agus Ifaïc air chuairt.

28 Agus b'iad làithean Ifaïc ceud bliadhna 's ceithir fichead.

29 Agus thug Ifaac fuas an deò, agus dh'eug e, agus chruinnicheadh e chum a mhuinntir féin, agus e 'na sheann-duine, agus làn do làithibh. Agus dh'adhlaic a mhic Esau agus Iacob e.

C A I B. XXXVI.

A GUS is iad sin ginealaich Esau, eadhon Edoim.

2 Ghabh Esau a mhnà do nigheanaibh Chanaain; Adah nighean Eloin an Hitich, agus Aholibamah nighean Anah, nighinn Shibeoin an Hibhich:

3 Agus Basemat nighean Imaeil, piuthar Nebaiot.

4 Agus rug Adah do Esau, Eliphads, agus rug Basemat Reuel.

5 Agus rug Aholibamah Ieus, agus Ialam, agus Corah: 'S iad sin mic Esau, a rugadh dha ann an tìr Chanaain.

6 Agus ghabh Esau a mhnà, agus a mhic, agus a nigheana, agus uile mhuinntir a thighe, agus a spréidh, agus ainmhidhean uile, agus a mhaoin uile, a fhuair e ann an tìr Chanaain; agus chaidh e do thìr eile o ghnùis a bhràthar Iacoib.

7 Oir bha 'n faibhreas ni bu mhò na gu'm feudadh iad còmh-nuidh ghabhail cuideachd; agus

an robh iad 'nan coigrich an giùlan air son an spréidhe.

8 Mar fo ghabh Esau còmh-nuidh ann an sliabh Sheir: 's e Esau Edom.

9 Agus 's iad sin ginealaich Esau athar nan Edomach ann an sliabh Sheir.

10 'S iad sin ainmeanna mhac Esau; Eliphads mac Adah mhnà Esau, Reuel mac Basemat mhnà Esau.

11 Agus b'iad mic Eliphads; Teman, Omar, Sepho, agus Gatam, agus Cenads.

12 Agus bha Timna 'na leannan aig Eliphads mac Esau; agus rug i do Eliphads Amalec: b'iad sin mic Adah mhnà Esau.

13 Agus 's iad sin mic Reuel; Nahat agus Serah, Samah agus Midfah: b'iad sin mic Basemat mhnà Esau.

14 Agus b'iad sin mic Aholibamah, nighinn Anah, nighinn Shibeoin mhnà Esau: agus rug i do Esau Ieus, agus Ialam, agus Corah.

15 B'iad sin cinn-fheadhna mhac Esau: mic Eliphads ceudghin Esau; ceann-feadhna Teman, ceann-feadhna Omar, ceann-feadhna Sepho, ceann-feadhna Cenads,

16 Ceann-feadhna Corah, ceann-feadhna Gatam, agus ceann-feadhna Amalec: 's iad sin na cinn-fheadhna a thàinig o Eliphads, ann an tìr Edoim: b'iad sin mic Adah.

17 Agus 's iad sin mic Reuel mhic Esau; ceann-feadhna Nahat, ceann-feadhna Serah, ceann-feadhna Samah, ceann-feadhna Midfah. 'S iad sin na cinn-